

RESOLUCIÓN REITORAL DO 14 DE XUÑO 2017 POLA QUE SE CONVOCAN PRAZAS E AXUDAS DE ALOXAMENTO NAS RESIDENCIAS DE ESTUDANTES DA UNIVERSIDADE DE VIGO PARA O CURSO 2017/2018.

Coa finalidade de contribuír a paliar os gastos de aloxamento para estudantes da Universidade de Vigo para o curso 2017/2018 e en virtude das facultades outorgadas pola Lei Orgánica 6/2001, de 21 de decembro, modificada pola Lei 4/2007, de 12 de abril de Universidades e o artigo 58 do Decreto 7/2010, de 14 de xaneiro, polo que se aproban os Estatutos desta Universidade,

ESTA REITORÍA RESOLVE:

1. Convocar en réxime de concorrencia competitiva ao alumnado que xa foi residente no curso 2016/2017 para a súa renovación de praza no curso 2017/2018 e ao alumnado de novo acceso ás residencias universitarias.
2. Convocar as axudas de aloxamento para residencias universitarias, reguladas na base segunda desta convocatoria.
3. No caso de quedar prazas vacantes nas residencias universitarias no punto primeiro, abrírase un prazo para que o alumnado interesado solicite estas prazas directamente nas residencias universitarias a partir do día seguinte a publicación e ata o 21 de xullo de 2017. Estas prazas asignaranse segundo os criterios establecidos nesta convocatoria, ata acadar a ocupación total das prazas ofertadas.
4. Ordenar a publicación desta convocatoria nos taboleiros da Vicerreitoría de Extensión Universitaria e Relacións Internacionais, no rexistro xeral, nos rexistros auxiliares e na páxina web da Universidade de Vigo.
5. A solicitude de prazas e axudas de aloxamento deberá ser cuberta vía web e unha vez asinada, deberá presentarse, xunto coa documentación requirida, nos lugares indicados no punto 4 da base primeira desta convocatoria.

Contra esta resolución, que esgota a vía administrativa, poderase interpoñer un recurso perante a xurisdición contencioso administrativa, no prazo de dous meses contados dende o día seguinte á súa publicación, de conformidade co disposto na *Lei 29/1998, do 13 de xullo, reguladora da xurisdición contencioso administrativo*.

As persoas interesadas poderán optar por interpoñer contra esta resolución recurso de reposición, no prazo dun mes contados a partir do día seguinte á publicación da presente resolución (ou dende o día seguinte ó recibo desta notificación), perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producira a desestimación presunta do recurso de reposición interposto, segundo o previsto no artigo 123.2 da *lei 39/2015, de 1 de outubro, do Procedemento Administrativo Común das Administracións Públicas*.

Vigo, 14 de xuño de 2017

Rcitor,

Por delegación de competencias

RRC de 7/05/2014

Vicerreitor de Extensión Universitaria e Relacións Internacionais

Martín Fernández Iglesias

Dilixencia para facer constar que esta resolución publícase con esta data no taboleiro de anuncios dos rexistros da Universidade de Vigo

Vigo, 14 de xuño de 2017
Xefe de Negociado doutros bolsas

Francisco Javier Maneiro Porto

BASE PRIMEIRA POLA QUE SE REGULAN AS PRAZAS DE ALOXAMENTO PARA OS ESTUDANTES DA UNIVERSIDADE DE VIGO PARA O CURSO ACADÉMICO 2017/2018.

Esta base regula as prazas de aloxamento nas residencias universitarias para o curso académico 2017/2018 e publicarase xunto coa convocatoria correspondente nos taboleiros da Vicerreitoría de Extensión Universitaria e Relacións Internacionais, no rexistro xeral, nos rexistros auxiliares e na páxina web da Universidade de Vigo.

1. PRAZAS CONVOCADAS

As prazas que se ofertan nesta convocatoria son as seguintes:

1. Campus de Vigo

Complexo residencial universitario "O Castro":

19 prazas en apartamentos individuais con cociña.

199 prazas en apartamentos individuais con cociña compartida (cada 2) (6 adaptadas para discapacitados).

2. Campus de Ourense

Complexo residencial universitario "AS BURGAS":

131 prazas en apartamentos individuais con cociña.

56 prazas en apartamentos individuais con cociña compartida (cada 2) (6 adaptadas para discapacitados).

4 prazas en apartamentos dobres con cociña.

3. Campus de Ourense (Allariz) (Vila situada a 18 km. da cidade de Ourense pero ben comunicada coa cidade)

Complexo residencial concertado "ALCAI":

10 prazas en apartamentos con habitación individual (cinco apartamentos).

4. Campus de Pontevedra

Residencia de Estudiantes AFUNDACIÓN

40 prazas en habitacións dobres con baño.

2. PREZOS

Os prezos mensuais dos aloxamentos para o curso 2017/2018 serán os seguintes:

1. Campus de Vigo

Complexo residencial universitario "O Castro" (*) (**)

	Novos	Antigos	
- Habitación individual con cociña individual:.....	304 €	275 €	persoa/mes.
- Habitación individual con cociña compartida:.....	304 €	275 €	persoa/mes.

2. Campus de Ourense

Complexo residencial universitario "AS BURGAS" (*) (**)

	Novos	Antigos	
- Habitación individual con cociña individual:.....	304 €	275 €	persoa/mes.
- Habitación individual con cociña compartida:.....	304 €	275 €	persoa/mes.

3. Campus de Ourense

Residencia "ALCAI" (Allariz - Ourense) (*):

- Aloxamento en apartamentos con habitación individual:..... 110 € persoa/mes.

4. Campus de Pontevedra

Residencia de Estudiantes Afundación (***)

Aloxamento en habitación dobre con baño

- En réxime de pensión completa (mes completo).... 490 €/mes

- En réxime de pensión completa (sen servizo de comedor fin de semana)....450 €/mes

(*) En todos os casos hai que sumarlle os consumos de luz, auga e teléfono individual.

(**) Prezos mensuais durante o curso académico (dez meses).

(***) Prezos mensuais durante o curso académico (nove meses).

3. PERSOAS DESTINATARIAS

Poderá solicitar prazas de aloxamento nas residencias universitarias o alumnado matriculado en estudos de Grao, Máster Oficial e Programas de Doutoramento que cumpran os requisitos desta convocatoria e desenvolvan as súas actividades na Universidade de Vigo durante o curso académico 2017/2018.

3.1.Requisitos xerais

Posuír a nacionalidade española, ou doutro país da Unión Europea ou de terceiros países, cando se acredite a condición de residente en España.

Como regra xeral, o que solicite praza de aloxamento deberá ter o seu enderezo familiar fóra do termo municipal no que estea situada a residencia ou o complexo residencial onde se solicita a praza de aloxamento. O alumnado do Campus de Ourense que teña o seu enderezo familiar neste termo municipal non poderá solicitar praza de aloxamento na residencia "ALCAI" de Allariz.

3.2.Requisitos académicos

Matricularse no curso 2017/2018 na Universidade de Vigo nalgún dos estudos de Grao, Máster Oficial ou Programas de Doutoramento, nun dos centros do campus no que opten á praza e obter a seguinte puntuación académica como mínimo, unha vez calculada a nota media:

1. Estudantes que inicien por primeira vez estudos universitarios de Grao: 5,5 puntos.
Esta puntuación será a cualificación obtida nas probas de acceso á Universidade (PAU). No caso de que se acceda á Universidade sen facer as PAU a puntuación académica será a media do expediente dos estudos que lle dean acceso á Universidade.
2. Estudantes que accedan a un grao por recoñecemento de créditos: 5,5 puntos.
3. Estudantes de continuación en estudos de Grao:

Ensinanzas técnicas: 5,5 puntos.

Resto de ensinanzas: 6 puntos.
4. Estudantes que inicien ou continúen estudos de Máster Oficial: 6 puntos.
5. Estudantes de Doutoramento: 6 puntos.
Deberán ter rematados os estudos que lle deron acceso ao Programa de Doutoramento. A concesión da praza estará condicionada á matrícula definitiva dos/as solicitantes nos estudos de Doutoramento e perderán de forma automática o dereito á praza no caso de non ser aceptados/as nos ditos estudos.

En todos estes casos a puntuación académica é a nota media calculada de acordo co establecido no Real Decreto 1125/2003 e no protocolo de colaboración subscrito entre a Consellería de Educación e Ordenación Universitaria e as Universidades Galegas para a valoración dos expedientes académicos, Resolución do 15 de setembro de 2011, da Secretaría Xeral Técnica da Consellería de Educación e Ordenación Universitaria e as Universidades Galegas (DOG do 30 de setembro de 2011).

No caso de non ter estado matriculado no curso 2016/2017, os requisitos académicos esixiranse respecto do último curso realizado.

4. SOLICITUDE

O prazo de presentación de solicitudes será dende o día seguinte ao da publicación desta convocatoria ata o 21 de xullo de 2017.

A solicitude de praza de aloxamento deberá ser cuberta no modelo que aparece en calquera das seguintes páxinas web:

<http://seix.uvigo.es>

http://www.uvigo.es/VidaUniversitaria/comedores_aloxamento/aloxamento/index.html?__locale=gl

Unha vez cuberta a solicitude, deberá ser asinada pola persoa solicitante e demais membros computables da unidade familiar e presentarse xunto coa documentación requirida, no rexistro xeral da Universidade de Vigo, nos rexistros auxiliares dos campus universitarios ou en calquera das dependencias previstas no artigo 16.4 da Lei 39/2015, do 1 de outubro do Procedemento Administrativo Común das Administracións Públicas.

5. DOCUMENTACIÓN

Xunto coa solicitude achegarase a seguinte documentación:

5.1. Documentación xeral:

1. Quen solicite aloxamento no complexo residencial O Castro ou As Burgas deberá cubrir un formulario de preinscrición a tal efecto, na seguinte páxina web www.resa.es.
2. Copia do NIF da persoa solicitante e de todos os membros computables da unidade familiar.
3. Certificado de convivencia ou empadronamento de todos os membros computables da unidade familiar.

Conforman a unidade familiar:

- A persoa solicitante
- Os pais non separados legalmente e, de ser o caso, o tutor ou titora, ou a persoa encargada da garda e protección do menor.
- Os irmáns solteiros e as irmás solteiras menores de 25 anos e que convivan no domicilio familiar ou maiores de idade cando se trate de persoas con discapacidade.
- As e os ascendentes que convivan no domicilio familiar.
- A persoa que, por novo matrimonio ou por convivencia en situación de unión de feito ou análoga, viva no domicilio familiar coa nai ou co pai da persoa solicitante.
- No caso de divorcio, separación legal ou de feito dos pais non se considerará membro computable aquel deles que non conviva coa persoa solicitante da axuda.
- No caso de separación ou divorcio dos proxenitores con custodia compartida acreditada mediante sentenza xudicial, as rendas de ambos proxenitores inclúiranse dentro do cómputo da renda familiar.
- Nos casos no que a persoa solicitante alegue a súa emancipación ou independencia familiar e económica, calquera que sexa o seu estado civil, deberá probar que conta con medios económicos propios suficientes que permitan a dita independencia. Se os ingresos acreditados resultan inferiores aos gastos soportados considerados indispensables (vivenda, manutención, etc.) entenderase non probada a independencia, polo que para o cálculo da renda para os efectos desta convocatoria, computaranse os ingresos correspondentes aos membros computables da familia aos que se refire a composición da unidade familiar.

5.2. Documentación económica

1. Copia completa da declaración da renda das persoas físicas referida ao exercicio 2016 dos membros que constitúen a unidade familiar á que pertence a persoa solicitante, xunto coa folla de liquidación do ingreso selado pola entidade bancaria ou delegación de Facenda na que foi presentada, ou ben a constatación de tela presentada por internet.
2. No caso de non ter a obriga de presentar a declaración da renda:
 - Certificado de imputacións do exercicio 2016 dos membros que constitúen a unidade familiar á que pertence a persoa solicitante, expedido pola Axencia Estatal de Administración Tributaria (AEAT).
 - Certificado de prestacións e subsidios de desemprego percibidos durante o ano 2016, expedido polo Servizo Público de Emprego Estatal (SEPE).
 - Documento da entidade bancaria no que consten os rendementos de capital mobiliario e ganancias e perdas patrimoniais percibidas durante o ano 2016.

A presentación da solicitude implicará a autorización á Universidade para obter os datos necesarios para determinar a renda a través da AEAT.

5.3. Documentación académica

1. As e os estudantes que van iniciar primeiro curso por primeira vez e realizaran as PAU nunha Universidade que non pertenza ao Sistema Universitario de Galicia, deberán achegar un documento acreditativo da cualificación final obtida nas PAU. As e os estudantes que ingresen en Centros sen necesidade de presentarse a estas probas, deberán presentar unha certificación académica na que consten as cualificacións obtidas nos estudos que lle dean acceso á Universidade.
2. O resto do alumnado de Grao e Máster Oficial que no seu último curso académico estivera matriculado nunha Universidade distinta á Universidade de Vigo deberá presentar unha certificación académica dos últimos estudos realizados.
3. O alumnado do Programa de Doutoramento que no seu último curso académico estivera matriculado nunha Universidade distinta á Universidade de Vigo deberá presentar unha certificación académica dos últimos estudos realizados que lle deron acceso ao dito Programa.

6. PUNTUACIÓN

6.1. Puntuación académica

Estudantes que inicien por primeira vez estudos universitarios de Grao: Esta puntuación será a cualificación obtida nas probas de acceso á Universidade (PAU). No caso de que se acceda á Universidade sen facer as PAU a puntuación académica será a media do expediente dos estudos que lle dean acceso á Universidade.

Para o resto de alumnado de Grao, Másters Oficiais e Programas de Doutoramento será a nota media calculada de acordo co establecido no Real Decreto 1125/2003 e no protocolo de colaboración subscrito entre a Consellería de Educación e Ordenación Universitaria e as Universidades Galegas para a valoración dos expedientes académicos, Resolución do 15 de setembro de 2011, da Secretaría Xeral Técnica da Consellería de Educación e Ordenación Universitaria e as Universidades Galegas (DOG do 30 de setembro de 2011).

6.2. Puntuación económica

A puntuación económica outorgarase en función da renda per cápita por ano, calculada segundo estableza o Real Decreto polo que se fixan os umbrais de renda e patrimonio familiar e as contías das bolsas e axudas ao

estudo do MECD para o curso 2017/2018. A equivalencia en puntos farase de conformidade con eses umbrais.

Para isto, a Vicerreitoría de Extensión Universitaria e Relacións Internacionais publicará unha resolución reitoral coas contías que se utilizarán para o baremo económico das solicitudes de prazas e axudas presentadas.

Para o cálculo da renda per cápita computarase o 100% dos ingresos da persoa sustentadora principal e os do cónxuxe, e o 50% do resto dos membros da unidade familiar.

Para a determinación da unidade familiar e o cálculo da renda per cápita, terase en conta a situación familiar a 31 de decembro de 2016.

6.3. Puntuación total

A puntuación total será a suma das puntuacións académica e económica recollidas neste punto da convocatoria.

En caso de empate na puntuación total de dous ou máis solicitantes, a orde de prelación establecerase segundo as rendas per cápita ordenadas de menor a maior.

7. ADXUDICACIÓN

Para a adxudicación das prazas terán preferencia as solicitudes de renovación.

7.1. Renovación das prazas de aloxamento

Esta renovación será automática se:

- Cumpren os requisitos académicos recollidos no punto 3.2. desta base.
- Cumpren os requisitos económicos recollidos no punto 6.2. desta base. Para isto, deberán achegar a documentación económica, tal como recolle o punto 5.2. da dita base.
- Non existe informe negativo da dirección da residencia ou complexo residencial (a dirección da residencia ou complexo residencial terá a obriga de entregar unha copia dos informes negativos na Vicerreitoría de Extensión Universitaria e Relacións Internacionais).

7.2. Estudantes de nova admisión

Unha vez adxudicadas as prazas de renovación, as prazas restantes adxudicaranse ao alumnado de nova admisión en función da puntuación total, que será a suma das puntuacións académica e económica obtidas conforme ao establecido no punto 6.3. desta base.

7.3. Prazas vacantes

No caso de resultar prazas vacantes, poderán ser concedidas ás persoas solicitantes que non cumpran a nota media esixida. Concederanse en primeiro lugar a residentes no curso anterior e en caso de seguir habendo prazas vacantes, ás persoas solicitantes de nova admisión. En ámbolos dous casos empezarase polos de renda per cápita máis baixa.

8. SELECCIÓN

O órgano encargado da selección será a Comisión de Extensión Universitaria e Estudantes.

A Sección de Bolsas será a encargada da tramitación administrativa. Esta Sección, logo de examinar as solicitudes e a documentación presentada polas persoas solicitantes, se comproba que non están

debidamente cubertas ou non presentan a documentación esixida, requirirá ás persoas interesadas para que, no prazo de dez días, emenden a falta ou presenten os documentos preceptivos.

Unha vez efectuada a selección pola Comisión, publicarase unha resolución coas listaxes provisionais de prazas concedidas e denegadas, coa causa da denegación. Nesta resolución tamén se publicarán as listaxes provisionais de axudas de aloxamento concedidas e denegadas, coa causa da denegación, así como as listaxes de agarda. As persoas interesadas disporán dun prazo de dez días contados a partir do día seguinte á publicación para presentar as alegacións que estimen oportunas.

Unha vez revisadas as alegacións pola Comisión, esta elevará unha proposta de resolución coas listaxes definitivas de prazas e axudas de aloxamento concedidas, e das denegadas, así como as listaxes de agarda.

A resolución pola que se acorde a concesión ou denegación definitiva da axuda pon fin á vía administrativa e contra esta resolución, que esgota a vía administrativa, poderase interpoñer un recurso perante a xurisdición contencioso administrativa, no prazo de dous meses contados dende o día seguinte á súa publicación, de conformidade co disposto na *Lei 29/1998, do 13 de xullo, reguladora da xurisdición contencioso administrativa*.

As persoas interesadas poderán optar por interpoñer contra esta resolución recurso de reposición, no prazo dun mes contados a partir do día seguinte á publicación da presente resolución (ou dende o día seguinte ó recibo desta notificación), perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producira a desestimación presunta do recurso de reposición interposto, segundo o previsto no artigo 123.2 da *lei 39/2015, de 1 de outubro, do Procedemento Administrativo Común das Administracións Públicas*.

Todas as resolucións ás que se refire este punto publicaranse nos taboleiros da Vicerreitoría de Extensión Universitaria e Relacións Internacionais, no rexistro xeral, nos rexistros auxiliares e na páxina web da Universidade de Vigo.

9. OBRIGAS, ACEPTACIÓN E FIANZA

O alumnado admitido disporá dun prazo de dez días hábiles para entregar na súa residencia o xustificante de ter feito o ingreso das seguintes cantidades:

Complexo residencial universitario “O Castro” de Vigo: 600 € en concepto de fianza, que se realizará a través da páxina web www.resa.es.

Complexo residencial universitario “A Burgas” de Ourense: 600 € en concepto de fianza, que se realizará a través da páxina web www.resa.es.

Residencia concertada “ALCAI” de Allariz: fianza de 110 € e ingresarse na conta que lle indiquen na mesma residencia no momento de facer a inscrición.

Residencia de estudantes Afundación: 270 € en concepto de fianza e ingresarse na conta que lle indiquen na residencia no momento de ser admitido nesta.

A entrega destes xustificantes servirá como confirmación da aceptación da praza por parte da persoa solicitante. Esta deberá, así mesmo, asinar un documento no que especifique a aceptación das condicións xerais que rexen o aloxamento nas residencias e complexos residenciais da Universidade de Vigo (neste caso un contrato de hospedaxe), así como o regulamento de réxime interno. No caso de non cumprir algún destes trámites, entenderase que renuncia á praza concedida e procederase a mover a listaxe de agarda.

A fianza devolverase ao finalizar o curso, agás naqueles casos de deterioro das instalacións ou moblaxe, débedas pendentes ou abandono do complexo residencial ou residencia, xa sexa por decisión propia antes de rematar o curso ou polos motivos recollidos no punto 10. A asignación das habitacións efectuarase en cada complexo residencial ou residencia. As persoas con praza asignada deberán efectuar a matrícula do

curso 2017/2018 no prazo establecido no seu día pola convocatoria de matrícula agás os estudantes de Doutoramento.

10. REVOGACIÓN DAS PRAZAS

Ademais dos motivos recollidos no regulamento de réxime interno e nesta convocatoria, serán causa de perda do dereito á praza concedida, sen dereito á devolución de fianza, os seguintes:

1. Atraso no pagamento das cotas en máis de dous meses.
2. Facer calquera tipo de cesión a outra persoa da praza concedida.
3. Cando exista ocultación, falseamento dos datos achegados ou por circunstancia sobrevida que faga que a persoa beneficiaria deixe de reunir os requisitos esixidos. Nestes casos poderá solicitarse a documentación complementaria para acreditar o cumprimento dos requisitos. A non presentación destes datos será motivo de perda da praza.

BASE SEGUNDA POLA QUE SE REGULAN AS AXUDAS DE ALOXAMENTO PARA OS ESTUDANTES DA UNIVERSIDADE DE VIGO PARA O CURSO ACADÉMICO 2017/2018

Esta base regula as axudas de aloxamento nas residencias universitarias para o curso académico 2017/2018 e publicarase xunto coa convocatoria correspondente nos taboleiros da Vicerreitoría de Extensión Universitaria e Relacións Internacionais, no rexistro xeral, nos rexistros auxiliares e na páxina web da Universidade de Vigo.

1. PERSOAS DESTINATARIAS

Serán persoas destinatarias das axudas de aloxamento o alumnado matriculado en estudos de Grao, Máster Oficial e Programas de Doutoramento que teña adxudicada unha praza de residencia das ofertadas, sempre e cando non pertenzan a outro sector da comunidade universitaria e cumpran o requisito da nota media tal e como establece o punto 3.2. da base primeira desta convocatoria.

Non poderán obter a condición de beneficiarias desta axuda as persoas que concorran nalgunha das circunstancias establecidas no artigo 13.2 da Ley 38/2003, do 17 de novembro, Xeral de Subvencións.

2. AXUDAS CONVOCADAS E SELECCIÓN

A adxudicación das axudas de residencia farase en función da renda per cápita en orde ascendente.

Tipo A: 59 axudas de 100 €/mes, para rendas per cápita iguais ou inferiores ás que se especifiquen na Resolución Reitoral da Vicerreitoría de Extensión Universitaria e Relacións Internacionais á que se refire o punto 6.2. da base primeira que regula as axudas de aloxamento desta convocatoria.

Tipo B: 59 axudas de 60 €/mes, para rendas per cápita iguais ou inferiores ás que se especifiquen na Resolución Reitoral da Vicerreitoría de Extensión Universitaria e Relacións Internacionais á que se refire o punto 6.2. da base primeira que regula as axudas de aloxamento desta convocatoria.

A duración das axudas será de 9 meses. Do 1 de setembro de 2017 ata o 31 de maio de 2018. O período correspondente ao ano natural 2017 é dende o 1 de setembro ata o 31 de decembro, e o período correspondente ao ano natural 2018 é dende o 1 de xaneiro ata o 31 de maio.

3. INCOMPATIBILIDADES

Esta axuda de aloxamento é incompatible con calquera outra bolsa e/ou axuda polo mesmo concepto.

4. SELECCIÓN

O proceso de selección destas axudas será o mesmo que o recollido no punto 8 da base primeira desta convocatoria.

5. DOTACIÓN E PAGAMENTO

O pagamento destas axudas farase con cargo á aplicación orzamentaria 0000 121D 482.15 e o importe do crédito orzamentario retido para esta convocatoria ascende ao máximo de 84.960,00 euros. Para exercicio económico do ano 2017 (2017 0000 121D 482.15) é de 37.760,00 euros e para o vindeiro ano 2018 (2017 0000 121D 482.15) será de 47.200,00 euros.

A persoa beneficiaria terá que pagar a mensualidade correspondente á empresa propietaria da residencia.

A axuda de aloxamento será librada á persoa beneficiaria a mes vencido, unha vez presentado o xustificante de ter pagado o importe mensual completo da súa estancia na residencia ante a Vicerreitoría de Extensión

Universitaria e Relacións Internacionais. Posteriormente, a Universidade ingresará os importes na conta bancaria das persoas beneficiarias. Poderán presentarse os xustificantes de ter pagado á residencia ata os 20 días hábiles posteriores a última mensualidade de estancia na residencia, con independencia do mes de estancia en cuestión.

Outra opción é a persoa beneficiaria asinará un contrato de cesión de dereitos de cobro da axuda en beneficio da residencia na que estea aloxado. Para isto deberá encher o o contrato de cesión (Anexo I) que se atopa nesta convocatoria. No caso de autorizar esta cesión, a persoa beneficiaria non terá que presentar ningún xustificante de pago, e será a empresa propietaria da residencia a que reciba os fondos destinados a esta axuda e unha vez que certifique as estancias á Universidade de Vigo.

6. OBRIGAS

A persoa interesada deberá estar matriculada na Universidade de Vigo durante todo o curso académico 2017/2018 para poder manter a súa condición de beneficiaria.

As persoas beneficiarias desta axuda deberán presentar na Sección de Bolsas da Universidade de Vigo unha declaración xurada na cal deben indicar todas as axudas ou bolsas solicitadas ou concedidas para esta finalidade por calquera administración ou ente público ou privado.

Cumprir as obrigas recollidas no artigo 14 da Lei 38/2013, do 17 de novembro, Xeral de subvencións.

En caso de renuncia voluntaria á axuda, deberá facerse por escrito e ser comunicada á Sección de Bolsas.

7. REVOGACIÓN DAS AXUDAS

Unha vez terminado o proceso de adxudicación das axudas, a Universidade verificará na Axencia Estatal de Administración Tributaria (AEAT) a exactitude dos datos económicos achegados pola persoa solicitante.

Poderá revogarse a axuda polas seguintes causas:

1. Cando exista ocultación, falseamento dos datos achegados ou por circunstancia sobrevida que faga que a persoa beneficiaria deixe de reunir os requisitos esixidos.
2. Ser persoa beneficiaria doutra bolsa ou axuda incompatible.
3. A renuncia á praza na residencia, a anulación de matrícula, o arquivo do expediente por falta de pagamento ou o traslado de expediente a outra Universidade durante o período de goce da axuda. Nestes casos a axuda deixará de ser efectiva dende o mes seguinte ao feito causante.

8. NORMATIVA SUPLETORIA

No non previsto nesta convocatoria será de aplicación o que estableza o Real Decreto polo que se establecen os umbrais de renda e patrimonio familiar e as contías das bolsas e axudas ao estudo para o curso 2017/2018 do Ministerio de Educación Cultura e Deporte (MECD).

ANEXO I

CONTRATO DE CESIÓN DE DEREITOS DE COBRO DE AXUDAS DE ALOXAMENTO NAS RESIDENCIAS DE ESTUDANTES DA UNIVERSIDADE DE VIGO. CURSO 2017/2018

En a de 2017

COMPARECEN:

Dunha parte (nome e apelidos)

NIF, en condición de persoa beneficiaria da axuda e CEDENTE.

Doutra parte (nome e apelidos/razón social)

NIF, en condición de CESIONARIO.

ACORDAN:

Primeiro: O CEDENTE como titular do dereito de cobro da axuda de aloxamento na residencia, desexa realizar a súa cesión a favor do CESIONARIO, quen acepta esta cesión.

Segundo: Para os efectos do cobro da citada axuda, ámbalas dúas partes conveñen que esta sexa ingresada na seguinte conta bancaria do CESIONARIO.

número de conta (código IBAN)	Titular
-----	(Nome apelidos/razón social).....
	NIF.....

En proba de conformidade, asínase este contrato, por triplicado e para un só efecto, no lugar e data indicados.

A PERSOA CEDENTE

A PERSOA CESIONARIA

.....
(nome e apelidos)

.....
(nome e apelidos/razón social)

CEDENTE: O/a alumno/a é beneficiario/a dunha axuda, autorizando á Universidade de Vigo a que ingrese a contía da mesma na conta corrente do CESIONARIO (residencia) e non na súa.

CESIONARIO: A residencia acepta que a contía da axuda do CEDENTE sexa ingresada pola Universidade de Vigo na súa conta corrente.